



ԱՌԱՋՆՈՐԴԱԿԱՆ ՏԵՂԱՊԱՀԻ ՆՇԱՆԱԿՈՒՄ ԾԻՐԱԿԻ ԹԵՄՈՒՄ

Ազգիս Վեհափառ Հայրապետի մախագահությամբ գումարված Գերագույն հոգևոր խորհրդի նիստը, որը տեղի ունեցավ սույն թվականի նոյեմբերի 15-ին, նկատի առնելով Ծիրակի թեմի առաջնորդ տ. Մաշտոց եպս. Թաջիրյանի խնդրանքը իրեն ազատ արձակելու առաջնորդական պաշտոնից, առողջական վիճակի և առաջացած տարիքի հետևանքով, որոշեց ընդառաջել դիմումին և կանչել նրան հանգստի ա. Էջմիածին և նրա փոխարեն առաջնորդական տեղապահ նշանակել Մայր Աթոռի միաբան տ. Նարեկ վրդ. Ծաքարյանին:

Տ. Մաշտոց եպս. Թաջիրյանը 12 տարիներ հավատարիմ գործունեությամբ ղեկավարել է Ծիրակի թեմը՝ արժանանալով Հայոց Հայրապետի գնահատության և թեմի հավատացյալ ժողովրդի սիրույն և հարգանքին:

Վեհափառ Հայրապետը այս առթիվ գրում է մասնավոր կոնդակ, որը տպագրված է «Էջմիածին» ամսագրի սույն համարում (էջ 5)՝ ուղղված Ծիրակի թեմի հոգևոր դասին, եկեղեցական և թեմական խորհուրդներին. «Մենք անչափ մխիթարված ենք, որ անցյալ դարերի կործանարար արհավիրքներից հետո այսօր վերստին շեն ու կանգուն են մահ պատմական Ծիրակի սուրբ տաճարները, իբրև աղոթքի և ուխտի նվիրական վայրեր, իբրև պանծալի ճարտարապետական կոթողներ»:

Նոր նշանակված առաջնորդական տեղապահին թեմի եկեղեցական-ֆինանսական գործերը պաշտոնապես հանձնելու համար դեկտեմբերի 4-ին, շաբաթ օրը, Մայր Աթոռ ա. Էջմիածնից Լեհիմական են մեկնում Գերագույն հոգևոր խորհրդի անդամ տ. Հուսիկ եպս. Սանթրոյանը, դիվանապետ Հայկ Առաքելյանը և ֆինանսական բաժնի վարիչ Գառնիկ Քեհայանը:

Նույն օրը, երեկոյան, Լեհիմականի ա. Առնվածաձին եկեղեցում պաշտվում է կիրակամտի ժամերգություն, որին ներկա են լինում մահ Մայր Աթոռի ներկայացուցիչները:

Դեկտեմբերի 5-ին, կիրակի, առավոտյան ժամը 11-ին, սկսվում է ա. պատարագը: Պատարագում է տ. Նարեկ վրդ. Ծաքարյանը:

«Հայր մեր»-ից առաջ տ. Նորայր ավագ քհն. Սարգսյանը եկեղեցու ա. Սեղանից հանդիսավորապես ընթերցում է Վեհափառ Հայրապետի կոնդակը՝ ի լուր քարեպաշտ ժողովրդյան:

Տաճարը լիքն է հավատացյալ բազմությամբ: Հանդիսավոր ա. պատարագին ներկա են մահ Ծիրակի թեմի թեմական և եկեղեցական խորհուրդների անդամները, ողջ քահանայական դասը:

Այնուհետև օրվա խորհրդի համապատասխան քարոզ է խոսում տ. Հուսիկ եպս.

Սանթորյանը և հավատացյալներին հաղորդում ազգիս Վեհափառ Հայրապետի օրհնությունները: Սրբազանը իր քարոզի մեջ ըստ արժանվույն գնահատում է տ. Մաշտոց եպ. Թաշիրյանի 12-ամյա նվիրված գործունեությունը Շիրակի թեմում: Ապա հավատացյալ ժողովրդին է ներկայացնում թեմի առաջնորդական նոր տեղապահ տ. Նարեկ վրդ. Թաքարյանին՝ մաղթելով նրան եկեղեցանվեր բեղուն գործունեություն, ի պայծառություն Շիրակի թեմին:

Հրաժեշտի հուզիչ քարոզով հանդես է գալիս տ. Մաշտոց եպ. Թաշիրյանը և իր խորին շնորհակալությունն է հայտնում Շիրակի թեմի հավատացյալ ժողովրդին, եկեղեցական և թեմական խորհուրդների անդամներին, որոնք իր գործունեության շրջանում բազմիցս գորավիզ են եղել իրեն հոգեվոր գործունեության ճանապարհին:

Այնուհետև իր առաջին քարոզն է խոսում տ. Նարեկ վրդ. Թաքարյանը. «Տեր հովուեսցէ գիս և ինձ ինչ ոչ պակասեցի» բնաբանով: Իր քարոզում տ. Նարեկ վարդապետը խոստանում է նաև, որ ինքը միզ ու ջանք չի խնայի արդարացնելու համար Վեհափառ Հայրապետի քարձր վստահությունը, ի պայծառություն Շիրակի թեմի հոգևոր կյանքի:

Նույն օրը, ժամը 15-ին, Շիրակի թեմական և եկեղեցական խորհուրդները, տ.

Մաշտոց եպ. Թաշիրյանի և տ. Նարեկ վրդ. Թաքարյանի պատվին, Լենինականի հյուրանոցի ճաշարանում կազմակերպում են ընդունելություն, որին ներկա են լինում Լենինականի քաղաքային խորհրդի ներկայացուցիչներ, ինչպես նաև այլ հրավիրյալներ:

Ընդունելությունն անցնում է ջերմ ու խանդավառ մթնոլորտում:

Հաջորդ օրը, դեկտեմբերի 6-ին, երկուշաբթի, ժամը 11-ին, Շիրակի թեմի առաջնորդական տեղապահ տ. Նարեկ վրդ. Թաքարյանը, ընկերակցությամբ Մայր Աթոռի ներկայացուցիչների, քահանայից դասի և թեմական-եկեղեցական խորհուրդների մի շարք անդամների, քաղաքավարական այցելություն է տալիս Լենինականի քաղաքային խորհրդի նախագահ Սուրեն Մատնիշյանին:

Այնուհետև Շիրակի թեմի առաջնորդական նոր տեղապահը և Մայր Աթոռի ներկայացուցիչները այցելում են Լենինական քաղաքի տեսարժան վայրերը և մի շարք ֆաբրիկաներ:

«Էջմիածին» ամսագրի խմբագրությունը ջերմորեն շնորհավորում է Շիրակի թեմի առաջնորդական տեղապահ տ. Նարեկ վրդ. Թաքարյանին և բարեմաղթում նրան եկեղեցաշեն գործունեություն՝ ի շնություն Շիրակի թեմի հոգևոր-եկեղեցական կյանքի:

